

'S gun do dh-ordich ar Slanaigher
Dhuinn a chain 'thoirt do Cheusar.

Ach 's e 'n ni 'tha mi 'raghinn
Gun dol air m' aghidh na 's daine,
Bhon tha 'n t-ath so cho domhin
Is nach tomhis cas ghearr e.
Ach an Righ dha bheil fertan,
'S a ni gach beirt mar a's aill leis,
'Chur na corach 'na suidhe
Mar a's cubhidh 's gach aite.

This poem is a reply to the one on page 144. The poet himself is Eoin Gairnelair, or John the Gardener, and Mr. Beaton, Eoin Balbhan, or John the Dumb. Mr. Beaton is called by this name owing to the fact that he had been silenced or deposed. A chraobh thorach is King James, and a chraobh ur, King William.

ORAN

A rinn am Bard air dha a chluinntinn gun robh
Sir Iain Mac-Gilleain ri fuirech ann san Fhraing.

LE IAIN MAC AILAIN.

FONN.—'Fhir a bhata no ho ro eile.

Tha mi am chadal 's gur tim dhomh duscadh
Mu Shir Iain nan lann 's nan luirech ;
Gu bheil do chairden fo mhoran curim
Nach faic iat sabhailt air lar do dhuthch' thu.

*Faill ill o ro, tha sinn fo mhulad,
Tha ar cridhe mar luaidh air truimed ;
Fath ar call' is ar campir uile
An stad s' tha thall bhuainn air ceann nam Muilech.*